

寓庵集

元 李庭 撰

五言律詩

過白嶺華嚴寺



按行來北嶺弭節過茲山野寺斜陽裏鐘樓古樹間
入門流水細獨坐老僧還共倚闌干望翻憐白鳥閒
久雨

積雨暗庭草溼雲生久陰小舟門外泊溪水夜來深
倚杖黃梅落開窗白鳥沈故園歸未得茅屋百年心

再過泉州孫氏園亭

草堂今不在臺沼淡無輝舊徑迷秋草華房掩夕扉
絃歌歡意減魚鳥故情違向晚橋南別淒然見落暉

宿侯澤

樹白月照水鳥棲風動林孤舟泊深渚清輝映單衾
人語在溪上棹歌聞夜深趨多涉遠道澗壑愧初心

冀夫人挽詞二首

仰止元名族嬪于稱德門美貽彤管述銘有色絲存
易答如賓敬難忘不死恩粧臺雖故物未放屋煤昏
車服從夫貴頻繫示壺儀刈蘭秋氣早埋玉朔風悲
正寢喪成禮名流挽有詩冀門應不朽行路看豐碑

題政和龜巖寺

殘僧思結構舊宇暫撐持已闢山門路猶荒佛殿基
鳴鐘晨起早乞食暮歸遲莫說無檀越人家異昔時

夜雨

寶香勻翠幄燈炮落銀臺幽夢此時醒雨聲窗外來
艱難思故道飄泊愧無才海上蓬萊近雲帆幾日開

應春坊挽章

鉛槧青燈夜韜鈴紫塞秋請纓雖拜疏投筆未封侯
幃白風煙慘旌丹霧雨愁從此桑梓接助挽不成謳
與石微之醉飲田間

高齋罷清宴幽徑上荒臺小瓶移菊去芳樽攜酒來
山情隨水轉雲意傍人回已醉不歸去欣然坐綠苔

過無爲寺

遠林留宿雨深院駐爐煙復此開窗坐還來隱几眠
小池歸鳥度別樹晚風連僧子無言說松華落案前

送伯德仲植北上二首

霖雨迴天眇秋風動客旌孤煙知驛道落日見龍城
劍佩千年會鯤鵬萬里程贈行詩滿馬交契見生平
樵下蕭蕭馬曾銜首宿花丁年猶戀闕翌日又辭家
青海寧迴馭丹墀想拜嘉雷霆新號令更定在南衙

正月二日

先皇開盾祚孝享異宗祧恤日朝三廟侵星待百僚
禮隆周冕服樂奏舜蕭韶絕塞腸堪斷鈞天萬里遙

山路數見梅花不能酌答比至匡源聊賦一首

野路梅花發青山見素姿娟娟臨水意的的向人時
歲月行將晚乾坤若有私東風何處起先上最高枝

弔張臺判

運偶風雲會身依日月光占天魏管輅治厯漢張蒼
傳世遺書在游山去路長豐碑高塚在千載姓名香

初聞鄉貢

獻書恆不遇江上倦逢人侵曉音書至開緘姓字真
冥鴻思遠道躍鯉近通津把酒當窗坐涼風起白蘋

次韻懷友

雨催山果落簷鳥故躊躇小閣春無侶空窗夜寄書
高情憐白墮雅思憶黃初流水空山路勞君數訪余

無題

世事真難託微宗只自憐文章登第日淮楚用兵年
薄宦春雲外歸心夕照邊長安無近使回首意茫然
幽居無客至倚杖問韶華滿地生芳草開窗見落花

良年常畏酒多病復思家獨立無聊賴空牆散夕鴉

王孫

滄海桑麻遍中原鼓角喧飄零華髮短寂寞壯心存
兔走迷梁苑鴉啼塞薊門安能隨漂母一飯勞王孫

過木岱李氏溪亭

隱者芳亭上溪流翠一灣客來春雨細花落小窗寒
遠色連幽樹行雲入畫闌登臨非不飲多病減清歡

中峯寺牆外見桃花

牆下夭桃樹嫣然不耐愁花開人不見花謝葉還稠
暮雨將春去餘芳逐水流終焉有佳實庶足慰淹留

送別子仁季子後有感

垂柳葉初綠江頭春水生扁舟夕鳥下細雨故人行
歸路獨不樂空齋如有聲明朝見晴色此時應到城

日出

日出羣暗滅窗間露未稀明生東海外光影曉星微
朗朗乾坤靜娟娟山木輝充然抱幽思端坐省前非

憶橙

憶對樽前月香浮醉裏春筠籠含秀潤玉笋破芳辛
關隴傷心久風霜入夢頻可憐梨與栗登俎是時新

赤土坡村居

不踏黃塵市來居赤土坡地偏人事少性僻野情多
老瓦盆中酒癡牛角上歌世間方擾擾聊得此婆娑

過松溪道中

清秋落木繁一徑入高原地暖山田早年豐水碓喧
細泉深度竹幽寺獨開門擬覓幽棲地無由住石根
自城東回

肩輿過高岸疏影下遙汀路覺回時近山如昨日青
午雞臨水聽早酒過橋醒楊柳誰家宅無人獨掩扃

興化訪同年方遂初

烏石山前路空牆隱故居閉門終日雨滿案舊時書

宦拙青山在人哀白髮疎偶然逢故舊失喜問何如
白髮

憂樂俱傷性榮枯總累身青春因見棄白髮故相親
歲月隨流水乾坤等聚塵西陵松柏下盡是白頭人

次韻宋永兄白髮

銀髮詎如許金丹奈若何休垂髀肉涕莫擊唾壺歌
世事弈棋局人材在泚我未須相料理大器晚成多

遊桑溪相嚴寺

謀拙寡世慮清遊怡遠情微酣出戶去細雨過橋行
野寺松枝溼山僧木屐迎悠然坐高閣飲茶知水清

留別上虞諸公

何處夜來雨出門江水平扁舟不可住又向粵中行
遠樹足秋色故人無薄情知君定相憶小樓逢月明

過餘姚

三月舜江頭江潮日日流隔江楊柳下空繫別離舟
岸上誰家女花鈿不耐羞臨風牽彩袂雙燕下高樓

喜楊季子至時為中檢校辟經畧使參謀官

海上雲霞動人間氣象新詔書來北闕使節過南閩
舊日臣民在中原信息真況逢楊季子不覺語諄諄

喜同年榮僧子仁至山中時為浙江行省知

事

名家依北闕何事入南州
值此艱危際真成汗漫遊
語音猶不類出處更難謀
故舊相逢地山空草木稠

五言長律

苦雨

陰風方為沴愁霖不肯晴
淅淅朝達暮淅淅水連明
萬里雲俱合千谿漲欲平
狂飈時攪野積潦欲漂城
直訝天瓢竭還憂地軸傾
林深飢虎豹海濶舞鯨鯨
隴畝妨農事關山阻客程
兩經秋甲子三閱月虧盈
豆落真空在禾垂耳半生
莓苔緣榻長蛙黽上街行

屋漏牀牀溼牆頽處處驚
溼薪炊不焰脫粟搗難精
災孽應難追祈禳豈不誠
禁門真下策鞭石竟虛名
悶坐偏饒睡悲吟轉愴情
何當掃氛翳白日照寰瀛
懷陸士弘巡撫時為山賊掠去
余與乃弟仲弘購出之

昔別毘陵道今逢建水湄
共為鄉曲語各慰古人思
把酒心先契傷時淚已滋
早年承鶚薦失脚下龍墀
泮水辭邊豆東關聽鼓聲
大兒貧不娶諸女小猶癡
雅度難超俗清談不療飢
艱難無厚祿迂緩長豐肌
徒步虧官況褒衣匪武資
謁予來撫馭喜與共游嬉

擊柝轅門靜揚麾樹色移小窗人散後清夜月明時
邂逅忘賓主流連值別離薇垣移我去花縣與君辭
遠近聞傳箭晨昏但探著宦情渾可厭去意浩難追
已遣全家往惟存一僕隨獨身憂不切鼾睡起何遲
嶺後豺狼出門前雨雪垂倉黃逢繫頸錯愕但張頭
路逐牛羊走宵隨婦女悲儒冠終可念暴客豈無知
縱僕需金贖微軀若露危懸知家已罄應慮出無期
必有安全地難窺禍福基斯人如不佑造物亦何為
黯黯春連雨冥冥水滿池交游俱入夢簡冊尚留詩
每憾嗟何及還憐自缺

贈山東范大師

寰海無雙士蓬萊第幾仙名臣昌遠裔范丞相之孫至道

得親傳鉛汞歸烹煉乾坤在斡旋先生虛白室藥就
下丹田形與神俱妙功將行共圓子基聊隱几莊叟
久忘筌應物渾無滯談經盡入玄喚回蝴蝶夢勘破
葛藤禪日月懸壺裏河山拄杖前一身雲出岫萬里
鶴沖天家識耕桑楚人知葛稚川即看千屨滿不啻
五漿先擁腫才何用支離命偶全年華悲老大世累
尚縈纏未遂餐霞志空哦對月篇草深原憲巷塵滿
伯牙絃望氣原無術樞衣幸有緣小巫真自笑大匠

倘垂憐息短知難續
鴛疲或可鞭刀圭
如不容乞與
救衰年

七言律詩

送徐子方郎中

劍外方屯十萬師
運籌帷幄要英奇
人材惟有徐孺
子士論共推劉穆之
雲棧路危休叱馭
錦江花好剩留詩
廟堂正闕經綸手
旦夕除書下玉墀

送鮑郎中

干戈一息指南陔
正是男兒報國秋
趨走南墀雖密
適笑談油幕也風流
霜嚴岷嶺朝揮策
月冷巴江夜

泊舟南斗妖氛須快掃
早傳吉語到中州

送李郎中

傾蓋相逢甫隔年
驪駒聲裏又離筵
人生聚散真無
定世事翻騰亦可憐
願我分無蘇子印
贈舉聊舉繞朝鞭
東州耆舊如相問
為說昏昏只醉眠
世路風波日益深
權門噂沓老難任
勞生笑我淹黃
卷待士承君吐赤心
五載感恩空有淚
一詩餽贖愧無金
翱翔臺省應非晚
猶覩飛章起陸沈

送楊郎中

西漢儒宗楊子雲
遙遙華胄豈無人
著書不得立文

力筮仕還居要路津已播仁風安四蜀更施膏澤洒
三秦閭閻疾苦君應悉細草封章達紫宸

○送李子玉郎中之大理

聖代兵威暢海涯英才奉命殿南陲莫辭路徑穿豺
虎要使功名勒鼎彝雨露行雷蠻境土人民初識漢
旌旗捷音定逐春風至佇看除書下玉墀

○寄省部郎中高柔克

萬里秋風一鶚飛如君才器正當時蕭曹事業真遊
戲孔孟門庭要護持疲馬敢思逢伯樂斷絃何幸得
鍾期桑榆景迫身猶健異日須酬國士知

○送徐郎中之蜀

獵獵霜風捲旆旗一鞭行色指巴川軍中正仰裴丞
相幕下仍登魯仲連已辨運籌臬逆虜不妨橫槊賦
新篇凱還定在春前後佇看除書下九天

○送金郎中

一盃濁酒送君行莫聽陽關墮淚聲男子致身須富
貴古人刻意只功名休辭蜀道登天險要使蠻方指
日平秦凱歸來應不遠梨花樹底醉清明

○送楊煥然赴召秦中兼簡

已為鱸魚早退休未容野水寄孤舟衣冠北渡無多

子詞賦中原第一流
天護漢儲留角里
人瞻秦府是瀛洲
花時爛賞龍池罷
因過清門覓故侯

○送高雄飛北上二首

簡在王庭早歲知
到今恰作送行詩
元無貢禹彈冠意
政是毛生捧檄時
司馬且依東道主
驚猿毋效北山移
他年經濟功名了
歸養雞窠亦未遲

鶴髮寧能抗鶴書
鄰翁力疾勸脂車
情知大器無近用
還媿清溝映濁渠
螢雪不孤稱武庫
風雲應也護儲胥
鳳兮既上人爭睹

高名豈望王門但曳裾

○送宋文卿北上二首

聞道營田得力來
河南五稔佐行臺
積成紅腐饒軍餉
放出黃雲掩劫灰
已見鸚鵡章為地
好佇看鸞詔自天開
長裾戀戀爭先祝
領得春風早早回

虎豹休憎上九天
含香曾近御牀前
暫勞樞下追風驃

一作足

安用人間使鬼錢
自古郎官猶宰縣
至今員外也

去聲

屯田歸期政把黃華酒
便與經營到百觚

○送宣課粘合正卿北上二首

黃色眉間一點嘉
北風驕馬散龍沙
春秋朝會新王命
文武衣冠舊世家
綸綍自分卿月掌
斗牛須問客星槎
歸期定在春前後

一作高着

桃李重開錦上花

英才教育人皆樂獨愧皤然兩鬢絲樹映階除真有
子門盈庠序豈無師何時賓閣東開日正值征車北
上時記取仲宣遙望處未歸頻讀送行時以正卿新
請教子故
作有是

送李國瑞還博州二首

羅雀門庭委綠苔等閑青眼故人來乾坤浩蕩雙蓬
鬢戎馬飄零一酒杯去國歲遙驚物換近山秋早被
蟬催到家定說西城會壕上河花恰正開

北潭秋水已鳴哇夾道官槐未着花身別故鄉猶遠
客眼看新貴是誰家朝來暮去人爭睹歲稔時平酒

易賒明日潯河橋上望高城殘月照啼鴉

送李稚川謁中書君

四海屏山一阿同中書猶有識形容舊時膝上王文
度今日雲間陸士龍生死兩頭交可見扶搖萬里使
難逢莫禁東閣葡萄酒舉桮齊眉侍晚春

送王顯之李君寶

書紀翩翩二老成三年戎服過蠻荆壁連岳湛兵塵
淨秋入江淮客氣清海水不禁宛馬飲京山已下漢
軍營時真定步軍活人陰德寧無報莫遣諸郎廢短
擊

送石子璋北上

滄海橫流不見邊，徒杠石倒賴藤纏。何人解補中原道，老馬重過勅勒州。河朔賞音依舊好，趙州詩句斬新鐫。東垣儘有磨崖在，更看繩橋第二篇。

送李德新北上

不躡槐華二十年，靜中卻遂讀書緣。共知驥伏須千里，誰料鵬搏又一天。有詔特超毛義檄，更寒休計廣文壇。此行要試經綸手，好整巍冠入講筵。

送張耀卿北上

旌車走遍太行東，晚得嘉賓自幕中。莫比草茅參國

論已從橐籥補天工，四時蔥嶺書年雪。六月疏林解愠風，久識天孫機上石。更休擎下斗牛宮。

寄郝紹先外郎

天眷西平雨露偏，賓僚妙選必英賢。關中政仰蕭丞相，幕下仍登魯仲連。一硯寒冰晨草檄，滿樓明月夜籌邊。快須努力平逋寇，清史功名屬少年。

送謙謙外郎

少年錦帶佩吳鉤，乍別庭闈作遠遊。正馬飄零天一角，歸心搖蕩月三秋。綵衣行遂寧親喜，白酒聊忘去國憂。明日關河邈千里，為君重倚仲宣樓。

神英劔

李文玉

利器來從闖國澄波三尺白差差詩見韓埋花荒徼餘
千載假手英才此一時持報私讎非烈士削平大難
即男兒莫教化作蛟龍去要看成功刻鼎彝

神毅劔

楊子寔出當作蒯緱羞殺朱門客彈欽聲中兩鬢絲

紫雷青萍未易求天教神物耀中州匣藏唯恐寒蛟
吼壁掛常令老魅愁高義幾人知李札孤忠千古只
朱游願君勲業超前輩穩占凌煙最上頭

送人入京

兵阻江淮久不開使君浮海過蓬萊舟航若得時時

發書札何妨日日回將帥屢更新衛霍文章只數舊
鄒枚可憐消息如鴻雁一歲秋風一度來

送宋大使

四海疲民未息肩九重聖主正思賢風雲適遇千齡
會鸞鶴高飛萬里天願我尚淹原憲巷羨君先着祖
生鞭皂囊亟上安邊策咫尺除書墮日邊

吊平陽崔教授

三絕韋編老不休力窮聖學造深幽曾中拍塞書千
卷身後淒涼上一邱生也有涯能幾許斃而得正又
何求素車迢遞無由到洒淚題詩寄舊遊

○ 吊郭器之

丁年聲價動文闈白首無成生數奇
筆掃千軍空自負學傳三篋竟何施
黃墟樽俎驚前夢繡嶺風煙阻後期
願我平生心似鐵數行老淚為君垂

獨騎瘦馬逐公侯誰念文園久倦遊
百指煎熬真若海一官落拓亦何樓
塵錦瑟因緣斷骨掩黃泉意氣休
平日英靈應未泯宜將至樂問莊周

○ 吊紫陽先生

亂來人物久凋零一代文章獨老成
漫說著書窮造化可憐無位到公卿
清風爽氣還靈岳賸馥殘膏丐

後生誰割囊金刻遺藁坐令千載見高名

吊陳季淵

妙齡豪邁氣衝天萬里亨衢祖逖鞭
疋馬從軍纔幾日大弔掛壁已三年
一場旅夢邯鄲枕四海詩名跼哭泉
八極神遊復何憾不須洒淚吊新阡

吊王君寶

桂折蘭摧不待年道邊空歎直如絃
一朝寵命來天上千古佳城墮馬前
無復賓朋過故里唯餘狐兔走新阡
練君啼溼孤兒血誰草長書為薦賢

吊郭好問郎中

萬斛鹹醴隱禍胎臯羊肉飽玉鱗摧捨生取義雖傷
勇觀過知仁亦可哀白骨含冤無處訴蒼天有眼幾
時開英賢取監原非遠覆轍應須戒後來

吊孟駕之待制

黃甲題名正妙齡心期平步到公卿忽驚日月天邊
改竟使麒麟地上行一幅長書留禁坐千秋英骨閔
佳城遺孤惟有西華在誰動當年故友情

吊遊商鄉人與元

世間生死本尋常零落如君獨可傷千里徒勞懷故
國一棺畢竟葬他鄉塵封黃卷因緣斷魂入青山怨

思長平日交遊誰最厚道邊啼煞練裙郎

吊麾公

方袍遊戲寓塵寰六尺光陰俯仰間幻化色身雖有
壞妙明覺性本無還雲來雲去天長淨花落花開樹
自閑畢竟性靈何處在一輪秋月照姑山

送商宣撫東歸

陌上方傳五袴歌遽呼歸騎整明珂六年美政誰能
繼一片清名得已多秦國終難留士會齊人應久待
鄒軻高眠莫作東山計四海疲民要撫摩

送王大用都事之東川

激灑離盃滿意傾送君迢遞赴邊城紅塵鞍馬三千
里黃葉開河第一程志節每因難處見功名要及壯
年成凱還定在春前後鴻雁來時早寄聲

送趙都事

玉音一旦落彤墀正直聲名草木知素抱皋夔匡國
志適逢堯舜渴賢時榛荆蔽路須芟刈蘭蕙當門要
護持九萬鵬程從此始一飛端擬到天池

送焦僉事赴闕

軺車遠自日邊來金節煌煌佐外臺威攝豺狼應膽
破歡生田里覺春回三年已展澄清志萬乘方思幹

濟才比到皇州花正發除書宜對綺筵開

題同氏孝友堂

堂上逍遙白髮親堂前兄弟綵衣新一杯椒酒有真
樂終日堦簾皆好春名教既無慚孔孟家聲端合繼
荀陳殘年企慕心猶在早晚營錢去買鄰

遇仙橋

湛湛溪流浸古苔仙真相遇此徘徊一瓢玉液逡巡
就七朶金蓮次第開雲海難尋歸去路乾坤惟有劫
餘灰只應華表千年鶴會為家山一再來

海東青

朝對天東暮海西握拳一夕不沾泥眼涵秋水凌霜
鵲衣染春風壓錦雞飛騎有門臨水放頭鵝無路與
雲齊長楊掌上精神在未信而今首便低

劉彥朴索月旦評詩

亂後人才久混并誰能着眼向高明汝南莫詫先賢
傳陝右重新月旦評妍醜固難逃水鑑重輕終不離
權衡卻防暗裏曹瞞至世上姦雄要指名

○ 挽康唐鑑

憐子擔簦過鎮陽嗟予已罷紫微郎秋闈舊入參軍

夢泰和乙丑未試前有却公者老境重升達者堂同

夢康與予歲解既而果然

還家

文廟故也每論五行求子母忽驚一病到膏肓時危留得

山濤在定保孤兒不負康

○ 挽吳德明

公太原石州人承安初中乙科崇
慶末始赴召南渡回丙午春捐館

竟不曾

憐君薄命重君才老腳初登郭隗臺三戰不支逢虎

怒六駢俄去失龍媒漢家翻覆雲千里燕市浮沈酒

一杯遙憶兩楹春夢斷英靈須到石州來一作全節
節從天付

與北風不
放鶴書來

曹京父清暉亭

牆下溪流屋上山高亭穩着茂林間波光雲影相搖

蕩谷烏沙禽互往還已拚千金待賓友更分餘粟濟
惇鰥人中曠達如君少鄙吝聞風亦厚顏

○送太原鹽使徐進之

鶚薦初登北路徐王言褒美拜新除萬家自溢牢盆
利一府行空訟牘書富媪孕靈真不負漕臺舉善果
何如明年奏課魁天下畫錦煌煌耀里閭

○卯瓶

鳳凰遺卵入青冥陶匠規模製此瓶夏繭結成渾具
體秋瓜採得即真形佩壺愧我無才思調鼎知君有
典刑微物深漸瓊玖報願藏篋筭寶千齡

○寄雷彥正監察

拂曉除書出漢宮憲司新起紫髯公從來不負將軍
腹今日宜乘御史驄威懾豺狼宜斂迹名喧臺閣自
生風赤心報國從茲始要使家聲繼乃翁

○僦屋

三十年居北斗城有家無舍可憐生每慚燕子營巢
穩不及蝸牛載屋行一寸荒田無計得萬間廣廈幾
時成拂衣明月南山去高樹巢雲老太平

○葺茅屋

草屋柴扉竟日關綠苔新長萬琅玕浮生只向閑中

老濁世何妨靜裏觀芳草歇時春寂寂長松陰下葛
漫漫邑人縱有重來意谷口雲深路轉難

送子仁季子之三山時省憲方兵爭

皇華星象動三台幕府翩濟世才光照林泉初度嶺
語驚風雨共傳杯窮荒解袂春雲暗別浦維舟暮色
催南去莫嫌灘水急有人懸望使車來

過楚淮陰侯廟

垓下歸來漢室尊將軍功業動乾坤三分已卻齊人
說一飯終酬楚母恩臨水荒祠今尚在浮雲往事竟
難論留侯辟穀鄼侯繫躡足封王得久存

過衢州仙霞嶺

陰雲冉冉木蒼蒼亂石深中一徑藏山鳥見人驚欲
墮野花如菊細無香寒流雨過通幽澗絕頂天晴見
下方只恐中林藏虎豹不知清露滴衣裳

謝與屯元帥就趙庄相訪

寂寞荒村客到稀山樵野牧共忘機忽驚天上黃金
節來訪田中白版扉豈特鄉閭增慕羨便疑林壑有
光輝他年父老談奇事親見元戎下布衣

寄寶子升學士

平水分襟四十年雪泥蹤迹渺相懸嗟予汨沒塵中

老羨子逍遙物外仙聚首莫諧今日願論心更結後
生緣三千里外無媒客北望題詩一泫然

自警

百藥難治病骨孱秋霜行染鬢毛斑性多忤物古所
忌才不適時天與閑且對風煙冷陸海莫趨朝市倚
冰山索居久缺箴規友自作新詩警老頑

○上簽省相公二首

先世陰功被萬民天教繼踵出名臣胷中兵甲元無
敵筆底龍蛇信有神已把清名留四蜀又驅和氣入
三秦金貂七葉從今始掌上驪珠已可人

虎攫龍拏得志秋世間長物只儒流三更老雨盧仝
屋八月涼風李季表到處送人為太守幾時騎鶴上
揚州君侯有眼明於月誰謂隋珠是暗投

劍佩

劍佩揚揚入廟堂百年禮樂暗消亡惟應東海帆檣
阻遂使中原草樹荒九鼎不移周社稷兩都誰讀漢
文章青山綠水非前日滿眼清愁接渺茫

過頂溪廢宅

水遶周遭石岸傾毀垣無路燒痕平惟應古木知興
廢尚有鄰人說姓名華館總隨春夢散黃鸝猶似舊

時鳴夕陽滿地多惆悵莫向櫻桃樹底行

和姚尚書

蟻宮得意無多味蝸角追奔有底忙都把生涯付醜
醜莫將行止問穹蒼山頭雨過丹青溼花外風來錦
繡香嘯傲林丘聊自適不須尸祝擾庚桑

寄張尚書

憶昔長安拜下風相逢相別太匆匆雲泥頓覺九霄
隔魚雁都無一信通幸已致身全富貴正宜垂手援
孤窮坐令暖氣回寒谷盡在君侯咳唾中

清明有感

歲月如流老可驚此身更得幾清明吟詩對酒心雖
在問柳尋花計未成壁上久閑靈運屐牀頭深負景
山鐙不應猿鳥山林性終向樊籠過此生

阿房宮

六國平來志益驕擬將宮闕壓前朝力營肯恤秦民
苦勢盡還遭楚火焚燒月照荒城秋悄悄風摧落木曉
蕭蕭土階三尺平生了長使人心憶帝堯

孫士能照磨辟浙東憲史分韻送行得城字
府主廟前春水生落花深樹語流鶯幕官作掾尋常
事行李無錢去就輕海上陰氛何日靜江頭微雨夜

來晴干戈未已征求急早晚乘驄入郡城

上安副運

鬱鬱羈愁不易禁可堪俗慮日相侵壯年空抱騎鯨
志老境難忘紙犢心美璞幾番遭刖足焦桐今日遇
知音古人一飯猶思報況感君侯惠愛深

上張按察

地闢天開日月光政資者德振臺綱威名久仰暴公
子直氣共推王義方一夕清風生白簡千秋遺愛在
甘棠重瞳竝想調元手定逐春風入帝鄉

賀王按察以陝西都運使就改此職

丹詔飛來白日邊繡衣光彩照華筵平生素有澄清
志今日新操糾察權當路豺狼應掃迹得時鷓鴣正
摩天就中喜殺孤寒士從此依劉更幾年

贈鹿泉隱者

返哺烏啼滿樹風回頭一夢大槐宮致身寵辱虧成
外得味清虛澹泊中泉上猶存千歲鹿山中復見五
噫鴻東華縱有香塵在留與他人蹋軟紅

閱世

時危尊賤豈由天忽上青雲忽九泉腰下恰懸蘇子
印民間已罷鄧家錢紛紛世變誰能料悄悄羈懷實

可憐歸向老妻愚子說寒蔬糲飯任吾年

劉彥朴贈紫竹杖

九節亭亭紫玉殷寄來新自漢中山適從處士提攜
後遽落詩人掌握聞雅稱穿花尋酒伴更宜和月叩
禪關弱籠冠草屨成三友林下相從伴我閑

筠溪

幽人遠迹避喧呶傍石依林小結茆一股金沙鳴細
瀨萬株玉梨聳寒梢魚鳶觸目皆真理雲日無心即
淡交早晚騎驢客訪道柴門莫厭老夫敲

宿黃溪

溪水東流下石灘晴川落日照潺湲豐年似覺人情
喜遠客偏嗟世道難入漢賈生猶慟哭辭秦王祭獨
悲歎憂來不寐無歸夢一夜清霜木葉丹

謝王君寶見過

索寞荒村久陸沈忽驚騎從遠相尋吐辭愧我非黃
絹好士憐君是赤心美玉古來猶待價焦桐今得遇
知音侯門說士甘於肉一諾真堪抵萬金

題雙清軒

闐寂軒庭已自奇碧琅玕畔見橫枝細香好在風來
處疏影偏憐月上時王子猷知應叩戶林和靖見定

留詩六年貪作長安夢孤負雙清把酒卮

送楊御史

霄漢雲收日月開澄清天下屬英才太平官府久不見獨步中丞今始來宋江淹事草木氣蘇三日雨豺狼膽碎一聲雷繡衣快逐春風去趁飲朝堂軟脚盃唐郭子儀

冬夜不寐寄彥成二首

撥盡爐灰覺夜長半庭殘月炯如霜枯腸政坐成茶祟短夢無由達睡鄉不速自來詩易就欲收還去念難防何時一擬襄陽老重叩南華學坐忘

半庭殘月晃疏櫺癡坐寒齋似冷蠅遮眼朦朧數行字伴人岑寂一龕燈衰年漸與睡鄉隔妄念還依覺海澄為報山妻莫相誚慇懃供養在家僧

題談子文秀麓軒

舊日城南尺五天菟裘於此卜終焉可人花木餘三徑隨分風煙了一廬朝霽得山秋更好晚涼臨水夏猶偏籃輿直候招呼去人道淵明未若賢

題高山四皓圖

鹿冠蓬鬢傲金貂心與商顏夜月高正厭鮑魚腥玉璽更堪人氾汚金刀玄纁既至幡然改羽翼才能惡

此逃回首巖花幾零落功名一笑付兒曹

○渭水道中

鞭催瘦蹇踏晴沙路入青林一徑斜翠巘倚空千萬
疊黃茅映竹兩三家朝朝晰晰山禽語白白紅紅野
草花卻喜太平還有象叢祠春賽響琵琶

○題董秀才易箒戒子納書後并序

退菴先生長於僕數歲初以詞賦應進士
舉同試長安其後會於陝再會於平陽故
熟知其為人蓋疏通周慎君子也正大間
用宰相薦書補西臺掾一時聲名藉甚士

大夫咸以遠大期之惜乎遭值變故胷中
所蘊百不一施膏憾九原良可悲也然臨
終方寸不亂戒飭其子丁寧明了如此英
靈之氣決不沈沒亦足以驗平昔存養之
功矣今夫園冠方履讀聖人書往往自謂
能窮理盡性及一旦易箒之際鮮有不顛
倒迷錯者聞退菴之風能無愧乎因作詩
以道其事云

試手西臺使老成吏才儒術兩崢嶸干戈莫展平生
蘊山斗空留後世名一紙遺書彰絕筆千秋英骨閱

佳城誰言精爽從茲盡月掛天心夜夜明

市樓觀樂共有音從去國心中出之句趙仁

甫足成之因而奉酬

幸不凌凌及禰衡誰教箏笛戲餘生音從去國心中
出詩在傷春眼底成烏伴月明樓未穩蝶隨物化夢
猶驚吁嗟此度吳公子不見簫韶見鄭聲

送陸天與歸浙西

每逢休沐到門頻語不干時意更真自念讀書常作
客誰知對食不思親一年歸夢都如雨三月到家猶
是春莫向太湖尋舊隱涼風日夕起青蘋

自訟

古人七十例懸車況我龍鍾七十餘為問折腰趨幕
府何如高枕卧茅廬歎詩嚼酒心雖在簪位餐名計
已疏掛卻衣冠歸去好短蓑閑釣渭川魚
亂後交親墮渺茫此身獨似魯靈光疏愚鈍滯良堪
笑險阻艱難亦備嘗且看青山色瘦骨敢期紅粟樂
飢腸喧喧鼓笛休相戲傀儡從今不上場

病起書雲日有感

至日書雲何處看人言直北是長安封侯滯骨貧猶
健戀闕初心老更丹草木暗知春意早關河空帶月

寒從今又續鈞天夢桂樹秋香遠畫闌

送同周道之邠省外祖鵝野先生

孔孟云亡道不傳直從韓子到伊川
闡揚聖學三千卷振起醇風五百年
正氣幾隨薄俗壞橫枝賴有外孫賢
篋中亟發凌雲草莫待雷霆取上天

○史侯屯田河南歲暮省覲李德長有詩因同

韻擬二首

貌貅萬竈壓秦淮雨後全耕綠野開
桑陰卻從滄海出雲飛還上太行來
渡江岸上新王濬戲絲堂前老萊望斷故鄉桃李眼東風一夜領春回

諸軍節制聽臨淮處處桑麻蓋劫灰
九合定緣堅壁計三朝歸捧介眉杯
雨晴南陌從鳩喚春滿東垣逐雁來
落日萱堂須秉燭歌塵未定簡書催

寄奉化趙性傳

一月居官席未安小舟隨月到城間
偶逢丞相留人住深感大夫思我還
沙田不雨即無水州市出門惟見山
烏私白蟹長汀上卻羨諸公日日閒

寄宋文卿二首

時在大梁屯田

堆鹽庭院夜深寒羅雀門牆晝掩關
揚子素貧立草在馬卿多病酒盃閑
衰年涉世猶糊口往事逢人已

厚顏明日登樓重回首五噫歌罷看西山
老思生入玉門一作關賦更哀於庾子山洛下衣冠
蓬轉裏梁王臺殿黍離間鵬搏想快三千里驥伏寧
攀十二閑魚雁不來空悵望滹沱水合朔風寒

○寄甯端甫

一別同年歲月深雲泥今日異升沈大鵬已展垂天
翼老馬空懷戀豆心繡被擁香君醉卧蓬窗聽雨我
孤吟救民自是吾儒事洗耳西風俟好音

○寄孟玉澗

逢人問我驚猶在白髮蒼顏薜荔衣舊日情懷清夢

斷故人音信曙星稀小窗梧竹知何處遠道風煙未
得歸多感畫圖相贈與形容已比向來非

○寄王百一二首

應教松林更著書體中春到又何如聽知人去須思
汝寄得詩來已起予湛露固應勝醴酒秋風猶恐憶
鱸魚北堂花外西樓月壓倒知章舊鑑湖
黍黍於今滿故宮草茅疇昔過新豐青衫歷徧人間
世白首翻成塞上翁有意坐依豚犬輩無方遠避虎
狼叢略來炙背晴簷底閒著雕蟲戲小童

再用送邦彥韻道懷遠寄

憶昔班荆會鄧州，何心託子楚之遊。他時天上須開眼，今日人間只點頭。老馬尚銜秦地草，白雲猶憶漢時秋。釣魚船上千行淚，不為清朝不得侯。

趙景溫還燕以詩寄梁都運

北來南去幾征鴻，十載燕山在眼中。邂逅相逢三語掾，平安首問五噫公。解貂贖酒誰家子，擊筑行歌故國風。落日黃金臺下過，也應無處說詩窮。

寄毛顯卿

華髮蒼顏兩病翁，長因杯酒鬪英雄。愛君真率如元亮，笑我疏狂似次公。轉首睽違經歲久，幾時談笑一

樽同昔人，命駕輕千里。咫尺長安在目中。

寄從戒師李大年

窮居索莫少知音，二老風流肯見尋。妙藥時聞康子饋，醇醪屢荷遠公斟。南來嗟我計猶拙，北望思君情轉深。何日一樽重會面，停杯細話別離心。

含元殿

巨棟層簷切絳霞，昔年宮殿阿婆家。雲埋蒼海將顛日，淚溼黃臺幾摘瓜。劫火併燒還快意，妖魂如在悔窮奢。區區一賦誇雄麗，千古令人笑李華。

咸陽懷古

連雞勢盡霸圖新
兀兀宮牆壓渭濱
指鹿只能欺二世
沐猴那解定三秦
倚天樓觀餘焦土
落日山河幾戰塵
今古悠悠同一轍
不須作賦吊前人

過洛陽

恩多自斷殺身酬
聞道隆中召武侯
外禦豈期生內變
後圖猶擬雪前羞
鼎湖龍去九霄遠
雪窖雁來雙鬢秋
漸愧詩人懷古意
離離木黍賦東周

自西鄉過慶元縣

百里寒林木葉飄
崎嶇盡日客魂銷
高原水落孤村路
絕澗人行獨木橋
江左豈無安石在
淮南莫受小

山招憂來就宿長松下
明月茅齋夜寂寥

政和縣偶成

奉命巡行愧不才
不堪滿目總蒿萊
干戈井邑多相似
瓦礫人家重可哀
落日空村嫠婦哭
秋風古巷槿花開
官中尚有徵求在
驚恐人傳吏卒來

題燕山趙吉甫汲古齋

古井無波縷百尋
一瓢顏子靜功深
澆園抱瓮猶機事
飲馬留錢即利心
天地閉時安在坎
澤山通處出為霖
少傾三峽詞源水
更與貪泉獻一箴

賀吏部高侍郎

金節煌煌佐外臺除書忽自日邊來方今人物存公
論自古天官屬大才千載雲龍忻際會一時桃李費
栽培春風煦物無高下早晚吹噓到死灰

○長安耆年圖二十二人到今零落殆盡惟予
獨存感歎之餘因題是詩

二十一人皆鬼錄此身獨在豈非天青錢不得龍頭
選白髮空餘亥首年樽俎笑談良已矣畫圖形像只
依然比方諸老如差勝盼得升平在眼前

○次韻鄧彥翔并序

癸巳過鄧昇書記彥翔住留山嘗弔丹霞

寺詩云行臺正養三軍銳精舍翻成一禍
胎都緣鼻祖曾燒佛致使兒孫陷劫灰因
和之

亂後禪林有幾家題詩休獨弔丹霞祖師過去曾燒
佛童子於今浪聚沙地水風終歸一火鹿牛羊自出
三車龍鍾不就茶毗去天遣重開五葉花

遊龍祠聖佛閣

萬丈姑峯翠作堆半空飛閣倚崔巍水由龍子祠前
去人傍金城隄上來千里雲山呈畫本一川風物貢
詩材黃塵明日平陽路指點煙嵐首重回

挽范正議章二首

八秩光陰夢一場
蘭摧玉折使人傷
蠅頭字小書猶溼
馬鬣封高草已長
疇昔香名留桂籍
迄今遺愛在桐鄉
平生事業存公論
青史何人為發揚
志節冰壺表裏清
兩朝赫赫著佳名
亨途未及肩三署
奇夢俄聞奠兩楹
千里山河還秀氣
九原松柏闕佳城
典刑幸有賢郎在
惆悵無由見老成

九日登咸元殿

萬疊南山翠作堆
故宮登覽思悠哉
清霜籬落黃花老
紅葉關河白雁來
弔古莫沾襟上淚
澆愁須盡掌

中杯情知今日咸
元殿壓倒當年戲馬臺

萬壽宮

傑閣雄樓映碧山
藥畦蔬圃水潺潺
軒藏修竹不知暑
鶴與孤雲相伴閑
見說兵塵連海外
豈期蓬島在人間
何時磨滅俗緣盡
來向仙人問大還

挽李都運章二首

滄海橫流閱世多
不隨漁父也揚波
諫書舊有回天

力漕利猶傳得寶歌
千古高名非石槨

生前自作石槨時人皆稱

道百年遺憾是銅駝
神巫記得曾傳語
門外癡蠅不足訶

適在署月三日之間室無飛蠅

地上流錢識士安，壁間見蝎喜京官。駕臨出京起方公判開封府
將海水添宮漏，忽訝仙人泣露盤。望斷龍髯知憾在，
封成馬鬣更愁看。此詩此世何人會上壠，牛羊草樹
寒。

○寄徒單雲甫

山斗高名四十秋，晚年始得上瀛洲。曾中學問傳三
篋，天下英豪放一頭。定有謀猷酬帝眷，肯將藻繪混
時流。草茅亦抱陳忠志，老病無階接雋遊。

○別後寄平陽諸公四首

識字雖多不救飢，遑遑此去欲何之。李鷹自合歸來

早初子猶漸隱去，遲脆管繁絃。休入夢，矮梅高竹正
宜詩。布帆無恙，行人健，預報故山猿鶴知。

臨歧草草具杯盤，綠酒雖傾慘不歡。歲久始知交契
重，老來更覺別離難。煙迷晚樹人初遠，路入春蕪眼
漸寬。自笑平生聞道淺，陽關聲裏涕汎瀾。

一寸歸心折大刀，短轅長路敢辭勞。疲駕脫鞵精神
健，老鶴辭籠羽翼高。詩社催科餘舊欠，醉鄉閱戶有
新逃。到家恰是清明節，卻折紅泥對小桃。

乍別親朋易感傷，卻登高處望平陽。深情密契三千
日，痛飲狂歌幾百場。豺虎縱橫難再會，河山迢遞永

相望年年多少南飛雁莫惜音書寄兩行

吊張彥誠三首

三絕韋編興未闌苦心端不負儒冠提身有道心何
慊燭理無疑死亦安前訓莫徵仁者壽餘風足使鄙
夫寬巾箱百卷蠅頭字乞與諸生子細看

荒塚經春綠草肥老妻幼女定誰依身前識字徒辛
苦地下修文果是非大抵去來皆作夢只疑冥冥即
真歸故人洒淚遙相望寥落晨星積漸稀

往事悠悠似夢中轉頭一十二秋風河山勝概依然
在朋友歡遊遽爾空月犯少微君命促雷轟薦福我

途窮異時重過襄陵道不見當年張長公

吊爽老

飛錫頻年事遠遊忽傳虛骨返西州報身隨分有生
滅覺性本空無去留沾酒更誰如惠遠論詩令我憶
湯休葛洪川畔重來否惆悵李源今白頭

村居二首

風物蕭蕭野色昏兩間茅屋數家村燈殘飢鼠頻窺
甌月落妖狐屢過門到底死生猶是幻就中窮達更
何言湛然一片無瑕鏡照破從來煩惱根

幾家村落太蕭條盡日無人慰寂寥計會閑愁尋酒

蓋卷藏清興入詩瓢利名識破機心息憂患經來客
氣消譬侶南行死窮谷不妨終老伴漁樵

通明閣

萬瓦鱗差壓秀楹李白詩今作魏魏層構類天成俯
臨曠野千峰小高與浮雲一樣平陸海風煙藏勝境
塵寰歲月愧虛名茲遊奇絕真堪紀不負揚鞭過兩
京

又

勢壓秦關百二雄層簷高棟倚晴空烏沈落月蒼茫
外身在霏煙縹緲中塵世自迷亡鹿夢仙山元有化

人宮憑誰乞我飛霞佩徑上扶搖萬里風

王內翰挽詞

經師論議史臣才歷遍熙朝館閣來往事盡隨流水
去高名豈逐泰山頽少微妖氣應何速滄海狂瀾誰
與迴萃美亭前松柏憾夜臺何必就廉臺公死於泰
亭東州士人將卜葬於此重違孝子之心而止

挽馮文內翰尾句改作九原想已無遺憾

學海頽波起老龍新亭遠目送歸鴻試將崧少高情
比未必曹劉此樂同身後生翳三祭酒眼中喬木幾
秋風起家今日誰宗武文鉢弓裘嗣乃公

殿試

曉立天階露氣清
雲霞咫尺是蓬瀛
久聞田里興愁
歎敢向君王說
太平御史催行光
祿酒大官親送內
厨羹已霑盛禮知
懷感欲寫無才愧
賈生

閩省宴集

驄馬晨陪虎節移
省垣開宴重威儀
綠榕垂地鳴華
佩紫閣凌雲樹綵
旂衛士醉來傳令
晚美人歌罷下
階遲殊方此日猶
安穩回首中原異
昔時

考澗陳景修池上觀魚

綠楊池上雨斑斑
無數遊魚出水看
自屬主人情意

重豈忘滄海往來寬
龍宮日出丹沙見
貝闕春深玳瑁寒
為憶當年新水漲
幾回無語倚闌干

和葉世傑韻

攜家偶入雲林住
流水灣頭路轉西
稚子讀書依別館
老妻多病在深閨
山中歲事沙田薄
兵後人家草屋低
一自從軍歸未得
每逢來使問飛溪

和人

百年身世等風蓬
偶爾全生羿彀中
華表鶴歸人已換
邯鄲炊熟夢成空
龍爭虎戰幾時息
天淡雲閑萬古同
往事悠悠誰與問
一川霜葉鬪般紅

王彥文辭縣職

莫向人間話獨清，須知直道古難行。
絃間白雪方初奏，玉上青蠅已暗生。
歸去松筠三徑足，儻來軒冕一毫輕。
九原喚起陶彭澤，細酌芳醪訴此情。

慶韓邦傑受軍職

秋風千騎擁雕鞍，又說軍中有一韓。
慷慨方投班氏筆，雍容已上漢家壇。
習中兵甲知無敵，肘後鞞鈴更細看。
唾手平南功業了，見君冠蓋入長安。

寓居金粟岡二首

鎮州孔廟地名

金粟岡頭事遠遊，呼沱河上閱橫流。
干戈滿地誰青

眼，富貴薰天盡黑頭。
金趙河山雄朔部，一作關山太行煙

雨，隔西州有心更作登樓賦，祇恐荊州不姓劉。

金粟岡頭春夢歸，天津橋邊柳依依。
清邊百戰更勝負，衰世幾人公是非。
華表鶴來殘照在，鼎湖龍去斷雲飛。
百年風景還如此，淚盡中原一布衣。

自箴

大室蕭然蛙黽間，黃塵如霧撲蒼顏。
浮生幾日邯鄲枕，苦說終年飯顆山。
眼病舊嘗添酒翳，髮稀行復作詩斑。
何如袖卻推敲手，一枕清風六鬢閑。

十月八日邀諸君飲

英遊舊約登高會已具鴟夷載後車東閣忽陪丞相
去南山空歎故人疏一年最好橙初熟三徑雖荒菊
尚餘今日真成我重九江神風色又何如

贈文子堂

有序

南士文子堂久辱泥塗一旦蒙無欲真人
挈而濯之清冷之淵可謂翼卵肉骨矣凡
我同類皆宜喜而讚之云

四海紛紛盡變移南冠誰復識鍾儀人材自負千金
璧士價真成五羖皮錐處囊中宜露穎琴來爨下轉
為奇蓬瀛跨鶴他年事第一無忘在莒時

甲子重陽後偕諸寮宴於城南

一歲重陽轉首過塵埃蹤迹愧蹉跎韶光似水滔滔
去鬢髮如絲苒苒多紅葉有情留客醉黃花含笑索
予歌清歡未必芳樽滿奈此西山落日何

送道者還王祖師庵

路入蒲關春草長終南歸隱祖師堂雲開絕頂諸峯
小竹閣危亭五月涼華表鶴來塵世換山陰鶴去舊
池荒傷心最是乘風地秋樹蟬號月滿廊

蕭公弼鍊師生朝

遊戲銅駝不記春漆腫閱盡世間人詩中放浪陶彭

澤教外風流賀季真九轉丹成聊應物五噫歌罷更
憂民掀髯一笑南華老卻向逍遙說大椿

○送蕭鍊師公弼赴北庭之召二首

誰使蒲輪下九天希夷政自日高眠白雲未信能留
住青海情知也有緣今代中原猶汗馬古人遺戒若

烹鮮衝風萬里龍沙雪好護一作珍重囊書上細毡緣字韻又

作白雲眷戀應無計
碧海瞻依也有緣

彌天四海俱曾召未後焚香待謫仙政欲燕閒談妙
理豈專服食引長年山間舊說通三顧履下今聞受
一編應被佩鰲童子笑不言白日上青天被作有

○送太霞真人歸崆峒

四十年來演道經世間草木亦知名未騎白鶴遊三
島暫駕青牛過兩京百舍遠來方願見五漿先饋不
須驚崆峒聖迹依然在會看高風繼廣成

送高文叔知永州二首自密院經
歷出守

草色芊綿柳帶柔翩翩五馬上東州青氈未煖還傷
別蓮幕重來已倦遊百里剖符持半虎幾年游刃乏
全牛典籤自是登瀛選此去朱轡不久留

寵餞先生一笑同尊前猶未是哀翁草連南浦浮新
碧塵滿東華拂軟紅楊柳遠籠山店月杏花輕颺酒

旗風明朝馬首投東去腸斷詩人醉夢中

○聞捷二首

天兵十萬擁貔貅西域妖氛指日收幕府方傳都護
令藁街已掛叛臣頭聲馳朔漠三十里喜溢中原四
百州遙想龍庭稱壽處百官齊捧紫金甌

旭日當空萬國明猖狂逆豎敢橫行轍中方展螳螂
臂天外俄轟霹靂聲萬國捷音來隴徼一番喜氣滿
秦城九重早下班師詔四海蒼生望太平

贈喬舜臣

君家鼻祖政龔黃曾屈牛刀渭水陽千古清名配蓮

岳百年遺愛在桐鄉斷碑零落嘗揮涕賢裔風流此
對牀試築高門容駟馬老夫猶及見諸郎

近郊扈獵詩

晨光隱隱動鳴鞘小隊旌旗出近郊萬騎簇雲飛陌
上六龍捧日晃林梢人從漢苑知威振物在湯羅喜
道交聞說星軺薦陵廟唯將詩什頌馨肴

中書會試報捷

報捷音書忽到門不堪雙淚落啼痕十年已作孤哀
子一舉何酬鞠育恩袖裏詩書遺澤在案前燈火夜
窗昏誰能共說兒時事尚有江南弟妹存

遊廣勝寺遇爽老

城中塵土撲衣黃，偶逐西風過水鄉。
佳境留人聊稅駕，老禪愛客旋添香。
平生未了安心法，今日初逢選佛場。
此去俗緣須撥置，定來重宿贊公房。

蠟梅

雪盡南枝迤邐芳，嫩苞摘索破輕黃。
宮衣新染蔷薇露，仙骨濃薰薝蔔香。
甘與松筠同晚節，恥隨桃李競春光。
詩成婉媚人應笑，未害平生鐵石腸。

題松溪普載寺

神童坊中普載寺，偶因離亂獨經過。
僧歸古殿飛蝙蝠

蝠門倚長松，帶薜蘿碧水小池新。
雨歇青山落日晚，涼多憑君莫向橋南去。
無限傷心牧豎歌。

挽趙庭玉尚書

人物風流在眼中，早朝同入大明宮。
恩綸晚出登瀛

選詩筆，初從學杜工，汝水虛舟歸夜壑。

舊知汝州常
構船舟亭榜

舟曰虛琅山宿草帶邊風，轉哀孝直云亡早，不見窺吳漢主東。

省掾考滿尋醫贈楊吏部行之

鉛鼎方收箭鏃砂，勞君一贈繞朝搥。
徒知視病元非病，不道無涯困有涯。
宋邑三年成楮葉，元都千樹放

桃花鳥知底許人間事且解金貂當酒家

赴調二首

無依數口累人深那有人間富貴心太早妄求時夜
卯不祥真是鎖鎬金徐公清濁時中酒昭氏成虧不
鼓琴豈必春風苦披拂成蹊桃李自陰陰

京華三月困棲遲枕上哦詩不覺飢高閣功名吾老
矣破窗風雨夜何其畢官無味真雞肋舊隱傷心盡
兔葵花樣翻騰已如此傍人從笑不時宜

詩戰分兵字

詩律嚴於細柳營筆頭餘刃尚縱橫無題可詠聊堅

壁有韻相酬寧去聲背城高帝沛中三箭定杜陵壇上
一軍驚他時奏凱休牽挽鼓譟從旁得老兵

麾公示疾

為問姑山老比邱閣浮往返幾時休真心本自周十
界巨海誰教認一漚大抵有身方有患本來無病亦
無瘳快將藥裏都燒卻薦取皮囊是贅疣

暮春

漠漠羈懷已自寬匆匆春事又將闌吹花風起燕猶
怯潑火雨收人尚寒鶯老倍增公子感蠶生忙倩小
姑看妖紅漫紫知何處落日傷心一倚欄

浦城軍中贈周克復

昔年同別都門外今日相逢此地中
零落每憐身似葉光芒猶有氣如虹
鍾王筆法無新樣魏晉文章有古風
儒雅到君須自愛莫將弓劍學從戎

被檄鞠問典牧司盜羊

興定間

不用癡兒證父攘多歧何處覓亡羊
觸藩笑我初無定窺岸憐渠不自量
誰復乘田尋孔子大都在位負文王
幾時鞭起山間石寄謝金華人姓黃

顏郎中挽章

平生為善日孳孳何事天公不憚遺
黃壤竟埋經世

志青燈空照講書帷交朋零落傷今日
樽俎談諧復幾時白髮故人窮不死
數行老淚為君垂

挽石末參政

力守孤城今已矣徘徊不決豈栖栖
只疑尹鐸能存趙不意田橫自隕齊
百鍊寶刀輕出匣千尋鐵鎖竟沈泥
山川故國浮雲外惟見年水滿溪

枕上作

老來多病夢難成卧數寒更直到明
在座只無靈女照絕交長憾孔方兄
十年戎馬成何事一日儒冠誤此生
風雨瀟瀟政如晦不平將效曉雞鳴

寓庵集卷四

元 李庭 撰

五言絕句

題秋風濯足圖

江空茅屋深
水冷蘆花短
幽人久不歸
雙樹秋風滿

題采蓮圖

池上蓮花紅
池上蓮葉綠
采蓮莫傷藕
絲斷那可續

偶成

時往草木幽
事寂門巷閉
飛鳥來親人
故作可憐意

飲季氏園亭二首

池上歡宴罷林開風雨來幽人不可去流水溼蒼苔

漫題

日暮山光合雨餘溪水清可憐桃李樹猶有故鄉情
溪水東流去春愁可奈何美人今不見門外落花多
待馬易之不至

幽人期不至獨依庭樹行不覺出門去滿湖春水生
醉坐查田溪上偶成四絕

山川衍佳色風湍生雅音悠悠百年內無使傷予心
碧草生幽花紛紛南浦幽人苟不來芳心為誰誰苦
有客勸我酒酒盡客亦去東風南陌人落日西陵樹

溪水流日夜日夜溪水流百年芳草地昨日起南樓

宿紹興華嚴院

三月春已闌羈人猶獨處燭盡解衣眠空齋夜深雨

看雲詩

初日出未高白雲自來去應憐山下人笑我雲中住

題山亭圖

小亭高樹下雨餘生綠陰不是無人到曉來溪水深

省中曲宴

玉色芳尊酒銀絲小樣花美人隨馬散春意入誰家

七言絕句

○廉泉詩十絕

直檻橫欄百種花
紅嬌紫膩競春華
杜陵韋曲從頭
數玉案前峯第一家

簷外千峰列翠屏
階前流水玉縱橫
平泉綠野知何
在恐比廉泉浪得名

謝公雅志在東山
爭奈天心未許閑
想見鳳凰池上
夢枕聲漱玉夜潺潺

五袴歡謠憶昔年
至今遺愛滿秦川
一泓寒碧渾無
恙乞與佳名百世傳

北斗城南尺五天風煙佳處占林泉何時了卻和羹
事來作逍遙地上仙

水滿蓮塘一鏡開當年旌節此徘徊爲貪麟閣功名
好誤卻高亭把酒盃

拋卻雲泉日夜流澆花溉竹等閑休爭知滿注天瓢
去洒作甘霖遍九州

一派山泉本自清更因賢相得清名品題漸愧東坡

老五子字新篇咳唾成坡有廉泉詩

京華塵土浣人衣辜負南山冷翠微脫粟可炊泉可
飲西人佇待我公歸

○村居

閉戶自便人事少讀書漸喜日輪遲更無俗物能敗
意只有野僧來索詩

雪花空釀碧玻璃日日陶陶醉似泥寄與平陽舊知
友也須時憶老關西

際天麥浪雨新晴綠樹陰陰野鳥鳴日對青山啖湯
餅不知世有五侯鯖

杞芽蘆葉日朝飧捫腹空齋一粲然造物從今尤省
費不須支破畫叉錢

白糧墨柜惟多種綠瓠黃瓜亦謾移已外求田如許

汜更慙學圃似樊遲

青林缺處似高臺
平揖蓮峯入座來
倘盡愛山疇昔
意不須捫鐵上崔嵬

栽花准擬為詩地
種秫安排作酒材
猶欠平生會心
友無緣聖德眼中來

自古詩書致太平
文章豈特為虛名
可憐識字無勳
業詠草嘲花過一生

故人一別又經年
幾度相思獨倚欄
明月固知千里
共賞心更覺四并難

青山遶屋畫屏開
晴日花光轉古苔
架有有書樽有

酒未須俗客叩門來

午枕騰騰半束書
華胥夢好鳥頻呼
世間擾擾兵塵
底更有閑人似我無

深村無客懶衣巾
度夏唯消犢鼻裩
庭院晚風涼似
水棗花香裏坐黃昏

盤谷圖

一去青山挽不留
凜然高節照千秋
區區世上奔趨
子夢裏披圖也合羞

萱春堂

碧玉枝頭瓣瓣金
薰風香散畫堂深
固應天產忘憂

物用慰人間孝子心
香滿蘭堂酒滿鍾
爛斑彩袖舞春風
韶華不屬東君管
都在慈顏一笑中

端午日

几案年年角黍馨
楚江何處覓英靈
世間多少舖糟客
冷笑先生話獨醒

李杜醉歸圖

青春錦裏花邊醉
白日長安市上眠
不意畫圖千載後
一時併識兩詩仙

歸潛洞

擬歸巖穴卜終焉
爭奈聲名四海傳
畢竟要潛潛不
得鶴書催上九重天

時苗留犢圖

萬秣食盡生何益
駟馬乘來死即休
誰似時君損此
犢凜然清節照千秋

○ 奧屯元帥北觀

飄飄旌旆過天山
晉尾秦頭指顧間
一夜千門傳好
語相公又着錦衣還

月戶雲窈窕人舞衫
歌扇一番新刺拚
桑落千鍾酒
與洗龍沙萬里塵

關河響動記當年父老相呼拜馬前
遺愛至今家有像不須劍佩畫凌煙

唾手功名萬戶侯煌煌虎節照清秋
男兒到此平生足只欠經營萬里舟

百年一夢寄南柯到底榮枯較幾何
萬事直須將禮遣不妨屈意避康顏

清霜迤邐上華簪睚眦干戈苦日尋
何似風恬波靜處白鷗相對兩無心

擇地休營綠野堂捐金莫買雪堆莊
歸時處處堪行樂桃李清陰滿故鄉

燕雀猶懷賀厦心幾年青眼辱知音
丘山厚德將何報聊獻狂言當誦箴

絕句

夢覺西齋鶴影孤最憐殘月掛高梧
一窗涼氣如清霧起看菖蒲葉上珠

送人入京

關下故人安穩無江湖零落遠臣孤
此身安得如流水也趁秋潮到直沽

題張大夫黃白菊圖

何年寶厨金玉錢化成蝴蝶夜翩翩
空中設網捕不

得飛將張家菊檻邊

九日嶺上李桂卿園中見菊花盛開

不見黃花已十年李家池上忽相憐
便須把酒花間醉忽憶東籬為惘然

橫溪即事

柳眼青青柔眼黃西飛燕子過東牆
春風只恁匆匆去不管門前溪水長

題青山白雲圖

嵐光長在白雲間幾欲將身共往還
一自江南傳羽檄人間無處覓深山

題小西湖圖

莫戴西湖茉莉花十年舊事總堪嗟
湧金門外垂楊下不見當初賣酒家

蘇李泣別圖

遠使窮荒雪不消羝羊無乳節毛凋
故人車騎來相問亦為中郎泣漢朝

題莊子圖

道貌天形與世疏飄飄真是列仙癯
胷中一點逍遙處畢竟丹青畫得無

題髮繡水牛圖

晚鏡雲鬟整頓難數莖香膩落梳端更憑玉指誇纖
巧繡出劉家黑牡丹

題捕魚圖

得魚沽酒不論錢日日唱歌船尾眠昨日倉黃搖櫓
過官師欲捉載軍船

跋謝安攜妓東山圖

百萬秦兵一戰休阿堅狼狽死堪羞東山歌酒平生
事未害中興第一流

蹴鞠

八片尖皮妙手縫周旋踢趁疾如風萬人鼓噪稱奇

處一點飛星落半空

劉伶荷鋤圖

荷鋤相隨死便埋生生死死兩悠悠長安陌上塵如
海醉殺何曾為酒來

淵明歸來圖

幾年蹤迹困紅塵政坐虛名絆此身咫尺故園歸未
得汗顏羞見卷中人

題孫登圖

三馬同謀食一槽世間風浪正滔滔數聲長嘯雲林
表羨殺冥鴻羽翼高

竹林謾詫雋賢多大半將身掛網羅千載畫師如有
眼霜練只合寫公和

題解書記所藏草蟲圖

崔子丹青妙入神筆端物物奪天真可憐只畫閑蟲
豈不道人間有鳳麟

題白樂天圖

小蠻舞罷柳枝歌自許生平樂事多白髮滿簪忙懺
悔一爐香火禮彌陀

跋鄧彥清碧江春霽圖

雲斂東風雨乍過澄波十里展青羅何時偃仰船蓬

底飽聽吳儂款乃歌

詩成杜甫能驅瘧檄就陳琳解愈風誰寫碧波千萬
頃灑然令我俗塵空

偶成

風雨蕭然一室虛牀頭唯有舊時書官閑不理西曹
事自取芸香辟蠹魚

春色堂堂不必疑浮雲流水任東西曉來一陣催花
雨村北村南布穀啼

春色年年自往來偶然行上妙高臺可憐荆棘參天
裏一朵桃花獨自開

晴嵐疊翠

郭熙繪事冠當年敗素猶應百世傳
解道白波青嶂句古今惟有一坡仙

茅屋

茅屋依依覆短牆野人白髮對斜陽
門前一樹黃梅熟只恐酸心不敢嘗

寒江捕魚圖

我本寒江一釣翁短蓑曾醉落梅風
而今憔悴黃塵底羞看漁舟阿堵中

趙宣府索題

陂因僕射名方著湖為郎官號世傳
千載秦川成故事人人解說趙公泉

溪上晚行

麻鞋竹杖出閑遊去住隨緣不用求
溪上晚來新雨過山光水色兩悠悠

溪頭偶成

日日溪邊看水流水聲只在澗西頭
今朝忽上高原去一片青山萬里秋

雪中過溪

偶隨風雪看梅花不覺山前路已賒
處處地爐堪附

火蹇驢隨意宿誰家

覓酒呈呂和仲

門外青泥沒膝深寒齋孤坐正愁吟壺觴無酒黃花
老誰為陶潛慰此心

萬事蕭條付掩關唯餘酒膽老猶豚呼關切只應落魄
今宵夢又到隣家釀瓦間

彈指西風九月過遶籬無奈菊花何故人有意憐岑
寂為遣白衣到薜蘿

不是沈酣縱老饕自繞塊磊要頻澆窮愁正似西山
雪竚待春風一旦消

元遺山遺翰

麗詞千載一遺山坡谷秦晁伯仲間白玉樓成仙去
久空留筆迹在塵寰

聖賢陳迹旋成空遺意分明蠹簡中妙處更煩高着
眼莫教輪扁笑桓公

養浩齋

名配乾坤了不磨古今惟有一鄒軻寄言養浩軒中
叟必竟心中似得麼一作襟

。陳季淵參議作海青詩有修翎如劍斫雲開之句
徒丹雲甫以斫雲公目之

妙齡聲價已摩空
無數珠璣咳唾中
今日真成管窺
豹一斑時見斫雲公

腦脂遮眼困英雄
裂月撐霆句轉工
造物戲人良有意
大名將昇斫雲公

名高湖海老元龍
百尺樓頭氣象雄
千古英靈埋不得
三生重作斫雲公

遺山落筆坐生風
惟許儋州秃鬢翁
白玉樓成仙去
早惜渠不見斫雲公

區區秋島兩秋蟲
露溼螢飛琢句工
若論橫空盤硬
語何曾夢見斫雲公

七篇奇語播寰中
千古陳言一掃空
喚起騎鯨老仙
伯也應首肯斫雲公

自從此老入關中
百二山河勢轉雄
我輩便當焚筆
硯大家迴避斫雲公

送日者王子文

終日垂簾靜有餘
君平季主定何如
十年聲價喧關
右不負青囊九卷書

題王講師虛室

道人方丈有天游
一榻蕭然萬事休
畢竟離朱窺不
見季咸妄意測壺丘

江亭會飲圖

折脚繩牀老瓦盆絕勝騎馬五侯門江東李白詩無
敵尊酒何時與細論以卷首有裕之
仁卿二詩故云

太平寺得家書

風雨僧窗燭影孤牀頭歸思滿家書吳江見說通舟
楫夢裏逢人問故居

失題

晉室干戈久驛騷竹林日日醉芳醪紅塵乾沒成何
事差比潘郎一着高

贈歌者

仙子乘鸞下玉京人間初識許飛瓊高歌一闋霓裳
曲中有山呼萬歲聲
歌喉宛轉乳鶯啼驚落梁塵四散飛已向筵前稱壽
畢不妨卻化彩雲飛

筠溪

筠溪老仙不肯出自引山泉入幽竹洞門深鎖無人
來坐對清陰弄寒玉

飲李氏園

垂柳空牆日欲斜水邊猶見石榴花一樽濁酒西亭
坐風物依然是故家

題聽竹軒

曾把新聲付管絃十年舊事竟茫然如今種竹南牆
下風雨小窗相對眠

題相馬圖

萬馬蕭蕭出帝閑玉華彩色虎文斑如何轅下三山
骨也在孫陽指顧間

過峒陽道中

碧水粼粼淺見沙蕭蕭條柳外兩三家春光老盡無人
管一任東風捲落花

寄張敏之五絕

河朔昏昏醉夢間常山日日望燕山黃金臺上空秋
草屬國歸來鬢已斑

物外長春日月長秋來梁燕出宮牆步虛聲散爐灰
冷雨滴空階送夜涼

御園晴日野花開故國霜風塞雁來九鼎十年牛礪

角江南唯有子山哀

公嘗作哀九鼎賦

憶逐梁王下吹臺共憐何日使車迴豈期亂後孤臣
在卻荷深情慰遠來

欲過都門謁故人一樽濁酒再論文祇愁月落西陵
曉白髮宮人哭塞雲

卞莊刺虎圖詩

相視眈眈電目紅一時推出兩山風
英心既鬪誠甘死政墮行人此計中
虎鬪移時力不禁卞莊乘斃果何心
轉哀世路陰機發更比山間陷穽深

題甯戚扣角圖

男兒未遇且泥蟠致主唐虞顧豈難
軒冕倘來吾有命長歌休怨夜漫漫
壯懷鬱鬱未能申半夜悲歌駭四隣
若使先生家闕里得無慚愧浴沂人

送裴子法北行

疋馬區區萬里行知君雅志為蒼生
聖朝若問經邦策好草囊封勸罷兵

牧牛圖

角因甯戚敲來缺尾為田單燎得焦
指日天朝偃戈甲桃林放汝任逍遙

贈孫仲賢

疋馬南行達紫宸力陳十事救生民
中原多少衣冠士不及雕陰一旅人

清溪放棹圖

白波青嶂小江鄉玉繪金釐引興長早晚扁舟落吾
手西風一棹入滄浪

詠燈

冷焰煌煌一寸金短檠黃卷夜窗深憑君莫笑光明
小照見當年孔孟心

送翟教授赴延安

才氣無雙信蜀珍幾年流落困黃塵腹中滿貯春箱
學莫惜殘膏可後人
魯邦雖小建芹宮濟濟衣冠在眼中莫道山城孤迥
處溪邊亦有舞沂風

光風霽月滿南州一旦濂溪有北流但使遺黎入陶
鑄坐令強獷變和柔

題扇

水流僧寺日平西綠樹春深怨鳥啼莫向山中憐寂
寞江南江北草萋萋

怨鳥俗名鄒蛾閩
浙山中多有之

題天台毛儀仲扇

紫薇閣下白雲過巾子峯前落日多潮水欲來孤雁
起一聲何處海南歌

題汪以敬扇

紫葢灘頭春水生白雲原口雨初晴故鄉千里不歸

去獨倚高樓看月明

題馬卿雲卞和獻玉扇頭

至寶沈潛出有時何須慟哭觸危機爭如留取爬沙

脚去踏南山冷翠微盧仝月蝕詩爬沙脚手
鈍阿誰教汝緣青冥

江山晚霽圖

參差樓閣倚晴空吳越江山在眼中為向煙波平遠

處小舟添我作漁翁

青州河道

河程紆曲水洄漩桑柘帆開兩岸煙最愛沙汀翹足

鷺銜魚飛直上青天

雙泉堂

為姚尚
書題

蒲輪去後石田荒猿鶴悲吟怨思長寂寞雙泉泉上

月年年空照讀書堂

用郭外郎韻十六首

尋春重過曲江東爛熳繁華在眼中寂寞此心誰會

得少年場上白頭翁

滔滔歲月逝波東往事回思一夢中自笑平生喙三

尺老來翻作囁嚅翁

君才獨步陝西東筆落珠璣咳唾中跋鼈定難追逸

驥漫誇坡老和陶翁

細草幽花灞水東，藍輿坐我畫圖中。歸來酩酊無佳

句，良愧當年六一翁。歐陽已到底西達太守藍輿酩酊插花歸

春衫貫酒畫樓東，朱碧紛紜醉眼中。坡詞我醉初不知但覺紅綠眩

日暮馱歸驢，背穩路人指笑是詩翁。是趁題所偏致不揆如此

驕兒索飯泣門東，不信凝塵滿甌中。搜斷枯腸無好

語，生涯已是少陵翁。

信有仙人碧海東，玉樓銀闕瑞煙中。為嫌上界多官

府，且向人間作醉翁。

昔隨計吏走關東，屢入宣和禁苑中。陵谷變遷今幾

度，試憑銅狄問仙翁。

丁年落筆賦河東，曾入鴻儒顧盼中。老去布衣誰比

數，黃塵憔悴一衰翁。

千古繁華逐水東，銅駝埋沒棘叢中。傷心欲問前朝

事，不見連昌舊老翁。

一廛舊隱許丘東，千丈連峯指顧中。早晚重尋遂初

賦，瓦盆沽酒伴隣翁。

春光淡薄滿秦東，名亭已拚形容痛飲中排悶新詩隨

意掃，要將公案學涪翁。山谷詩排悶有新詩忘蹄去逸徑

纔見旌旗出漢東，復聞風火起湟中。欲知邊塞征人

苦，請問新豐折臂翁。

比年恩詔下山東百萬人家喜氣中一見昇平死無憾不羞扶杖尾田翁

金鼓明年過浙東江上行人版圖中便宜條奏吾儕事勿謂無人繼弱翁

五雲明處日升東豪傑都歸控馭中為謝元和諸學士莫於相業笑漁翁

○題賈外郎春龍出蟄圖

葉公好龍龍乃現以假還能致得真若把好龍心好士茅廬高卧不無人

春溫

慘淡鉛華兩鬢絲琴心猶解說相思三生杜牧真緣薄不見秋娘未嫁時

酬姚尚書

天開地闢日重光夙夜憂民類漢皇暫借九霄霖雨手親來畎畝教農桑

山斗聲名四十年淵源聖學得真傳卷舒在我無非道用舍由來一任天

七日而誅少正卯一言遽戮優侏儒不用政爾吾何病此老家風亦太孤

士論咸歸孔北海人材惟有謝東山天心若為生靈

計肯使鸞鳳在世間

高齋靜炷一爐香一榻蕭然萬慮忘猶有濟時心未
泯夢中覓紙草封章

黃衣聖人久思治白髮尚書安得閑催促兵厨多釀

酒佇看飛詔落人間

黃衣唐汝事白頭南表昂事

彥仁參謀袖攜房祖太極宮提點李廣道畫
像并墓表遠來求詩姑 二絕以應命李號

北山退翁

閱盡銅駝陌上人歸來高卧北山雲遙知夜半來風
去不受人間馬鬣墳

太極重遊鬢已華承平日月記仙家種桃道士歸何
處惆悵劉郎賦落花

題順安手澤詩

七十年来夢一場漚生漚沒總尋常荆藤欹側四十
字顛顛驪珠解放光

舟中偶成

江鳥送行舟行人憶舊遊無情灘上水日日下灘流

風雨停舟圖

山雨溪風共晦冥孤舟好向此時停吾曹莫作丹青
看好箇人間座右銘

湖心寺圖

朝朝騎馬向湖西
僧寺春深樹影低
最喜夜來新雨
過石闌臨水不霑泥

桃林野興圖

五十年來未息兵
紛紛佩犢可憐生
傷心一片桃林
月曾與周家照太平

高祖還鄉圖

乘時一劍帝功成
富貴難忘故里情
醉裏高歌思壯
士也應追悔戮韓彭

秋月梨花

冷淡丰容不入時
強隨黃菊媚東籬
妝成竟被青腰
妬憔悴西風欲怨誰

多事司花要出奇
團枝晴雪滿東籬
最憐露冷風寒
夜不似清明二月時

東籬秋色郭西春
玉質金容各鬪新
今日天教一相
見真成邢尹兩夫人

玉容寂寞不宜秋
何事西風強出頭
命薄佳人在幽
谷天寒翠袖轉添愁

冰作肌膚雪作容
晚將妖豔嫁西風
從教憔悴東籬
下終與黃花夢不同

題劉經歷月石硯屏

紅樹青山一片秋月光射入紫岩幽青山不老月常在乞與君侯作卧遊

題劉都事郭熙晴巒疊嶂圖

郭熙繪事冠當年敗素猶應百世傳解道白波青嶂自古今惟有一坡仙

題江山秋晚圖

亂峯重疊水縈迴樓閣參差紫翠堆寄語東華塵土客歲云暮矣早歸來

題春江聽雨圖

前日扁舟過太湖小橋高樹雨聲初掩蓬獨坐欲沽酒溪女短衣來賣魚

曉起

甲第朱門拂旦開世間富貴屬梯媒兩椽破屋蓬蒿底點檢殘編一歎哉

醉起

門前樟樹碧團團月出蒼山翠影寒半夜童奴呼不醒道人和醉倚闌干香篆將殘燭影消霜清月白又聞簫數聲吹徹江南曲窗外梅花正寂寥

有感三首

上陽宮畔昔曾過，車馬如雲載綺羅。
白面郎官渾欲醉，歸來猶聽雪兒歌。

京城酒貴不堪沽，御水春寒柳葉疏。
丞相退朝歸去晚，省垣日月署文書。

夢斷春閨竟杳然，小窗斜日對靈筵。
誰知三十年間事，一一分明在目前。

庚子元日三首

今日欲逢庚子年，太平期在十年前。
早來似覺春光好，拂拂東風入酒筵。

窗前一夜雨瀟瀟，曉起晴光淡碧霄。
百鳥不啼風色靜，老僧來說好年朝。
每憶清朝元會日，五更燈火御街前。
當時無限風雲意，今日僧窗聽雨眠。

過留侯廟

賞不酬勞始見容，封留曾足報元功。
君侯祠宇依然在，何處長陵有故宮。

寓建寧白雲寺偶題詩

年光何事苦匆匆，無限春情只病中。
野鳥殷勤啼白晝，落花搖曳下東風。

送元公講主奉敕修白馬寺

經來白馬教初傳千載高僧續舊緣
江北江南今一統至元遠勝赤烏年

勝緣幸遇天子福地還興古道場
指日蒿萊化金碧人間重覩白毫光

凌雲古塔鬱崔嵬百寶金蓮次第開
方便應緣心事了松枝回指早歸來

秋江晚渡圖

煙波千丈布帆開舟子如龍恣往來
老大也知無用處秋江閑看暮潮迴

題黃仲言所持彭副使軍中手書

副使與師第一功如何倉卒死軍中
白頭義士無歸著手把遺書泣曉風

雷

雲間電影走金蛇連鼓轟駭萬家為
報饒陽打碑客暫須迴避阿香車

水調歌頭

送崔鼎玉北歸

賓鴻引寒色客思滿新亭不堪更送歸
客尊酒慰飄零常記承平好語盡道蛟龍
雲雨勳業上青冥滄海忽清淺野渡一舟橫
夜牀眠春枕夢大方兄三人

鵲鴿原上生死見交情
君公與先兄舉同年回首人間今昔幾
度洛陽桃李松栢自青青
會看少微起南斗避文星

前調

承平北潭上十里藕花開
雲雷一夕清淺想像賦蓬
萊唯有年年燕子不管人
間興廢飛去又飛來流落
此狂客無事且銜杯
問云何曾次起幾催
魏弓刀陌上行色無地避
風埃最好橫塘秀樾一笑
凌波羅襪便拚玉山頽
解道斷腸句唯有賀方回

滿江紅

匹馬東來豪氣吐晴虹
千尺人道是往年京國知名
詞客一飲千鍾殊未厭
興來拈起如椽筆把杜陵
韋曲好風光都收拾
尊俎地煙花夕歡樂趣非
曠昔又一杯相送匆匆行
役歲月無情人易老溪山
有約君休失待王官谷口
醉騎驢重相覓

朝中措二首

醉語

一燈孤影拭吳鉤
自斷此生休為戀三升春酒東家
父老相留浮雲世事鳶肩助
教蝶夢莊周回首軟紅塵
裏傷心凝碧池頭江頭無事
日銜杯鷗鳥莫驚猜不見鬼
門關上古人一去誰回
世間自有判花西掖走馬
章臺我欲醉眠君去明年
燕子重來

江神子

月圓新碾試新湯永豐坊謝家娘撥得雲腴先與故人嘗口不能言心下省從北苑到西廂歸來無夢夜何長味餘香意難忘不必車聲能道繞羊腸江夏無雙黃學士祇恁地合窮忙

水龍吟

贈賈大使

九霄駟騎飛來盡呼癢老聽詔香煙散處人間初識鳳麟儀表代北名家山西將種間生英妙忽龍蛇落筆珠璣滿座中客被驚倒千載風佳會要人材登庸廊廟扶搖萬里搏空一舉期君遠到蓋世聲名格

天勳業直須年少看青雲蓋底鳴珂躍馬古沙隄道

水調歌頭

史侯生朝

轅門奏歸凱旭日上初筵東風萬家煙火春信到梅邊側聽稱觴新語一滴願增一歲門外酒如川詔領八州督聲動九重天茁蘭芽輝花芎樹堂堂一門餘慶如此今古幾人全多少山東父老久望太平勳業畢竟在何年整頓乾坤了拭目認凌煙

滿庭芳

冀德修生朝

燕寢凝香金貂貫酒挽將天上春迴踵門為壽盡道謫仙才誰識元龍豪氣沈雄自湖海中來十年夢新

亭風景唯有歲寒梅 老來須共約鳳凰山山谷下
竹杖芒鞋要從今澆下曾次崔嵬釀取周郎醇酎更
休用桃李傳杯衡門外枯荆尚在千歲看花開

水調歌頭

張耀卿
壽日

傷心庾開府書劔憶遊梁十年流落冰雪如履柏臺
霜昨日螳螂堂當今日豺狼當路牛背置神光竟訪
赤松去不顧紫微忙 漢貂蟬萬人傑八州王有君
如是何事高卧北窗涼傳得黃州密印有病安心是
藥此外更無方莫袖經綸手遺愛在甘棠

水龍吟

蕭公弼
生朝

喜逢天上仙人一尊共醉梅花底朝元已了讀書未
遍復來人世憇鶴臺邊景龍門外十年遊戲自歸來
卻過趙州橋上閱橋下東流水 盡道翱翔物外解
牛刀刃遊餘地誰知別有香山遠韻謫仙豪氣應笑
蹉跎半生書劔今猶如此待西風拂貂裘塵土進黃
公履

望月婆羅門引

史尚書
生朝

太平有象老人星喜照滹陽前街曾近文昌壽樂堂
今年餘慶新到五花堂看雞鳴問寢鱗次稱觴 白
眉最良八州督漢侯王院院瓊林玉樹畫戟清香一

椿五桂更休說燕山竇十郎談塵上白石義皇